

**2007 Rhif 3423 (Cy.304)**

**CEFN GWLAD, CYMRU**

Gorchymyn Awdurdodau Parciau  
Cenedlaethol (Cymru) (Diwygio)  
2007

**NODYN ESBONIADOL**

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn, sy'n dod i rym ar 31 Rhagfyr 2007, yn diwygio Gorchymyn Awdurdodau Parciau Cenedlaethol (Cymru) 1995 (y prif Orchymyn).

Mae erthygl 3 o'r Gorchymyn hwn yn diwygio Rhannau I a II o Atodlen 2 i'r prif Orchymyn fel bod nifer aelodau Awdurdod Parc Cenedlaethol Arfordir Penfro yn codi o 15 i 18. Cyfanswm nifer yr aelodau yw 12 o aelodau awdurdod lleol a 6 aelod a benodir gan Weinidogion Cymru.

Ni luniwyd asesiad effaith reoleiddiol llawn ar gyfer yr offeryn hwn gan na ragwelir y bydd yr offeryn yn effeithio o gwbl ar y sector preifat na'r sector gwirfoddol.

**2007 Rhif 3423 (Cy.304)**

**CEFN GWLAD, CYMRU**

**Gorchymyn Awdurdodau Parciau  
Cenedlaethol (Cymru) (Diwygio)  
2007**

*Gwnaed* 4 Rhagfyr 2007.

*Gosodwyd gerbron Cynulliad Cenedlaethol  
Cymru* 5 Rhagfyr 2007.

*Yn dod i rym* 31 Rhagfyr 2007

Mae Gweinidogion Cymru, ar ôl ymgynghori â'r cyngor ar gyfer y brif ardal y mae rhan ohoni'n rhan o Barc Cenedlaethol Arfordir Penfro, a chan arfer y pwerau a roddwyd gan adrannau 63(1) a (5) o Ddeddf yr Amgylchedd 1995(1) a pharagraffau 1(2) a 2(3) o Atodlen 7 iddi ac sydd bellach wedi'u breinio ynddynt hwy (2), yn gwneud y Gorchymyn canlynol:

**Enwi, cychwyn a chymhwysio**

1.—(1) Enw'r Gorchymyn hwn yw Gorchymyn Awdurdodau Parciau Cenedlaethol (Cymru) (Diwygio) 2007.

(2) Daw'r Gorchymyn hwn i rym ar 31 Rhagfyr 2007 ac mae'n gymwys o ran Cymru.

**Dehongli**

2.Yn y Gorchymyn hwn—

- 
- (1) 1995 p.25. Gweler adran 79(1) am y diffiniad o 'prif ardal'.  
(2) Trosglwyddwyd y pwerau a roddwyd i'r Ysgrifennydd Gwladol gan adran 63(1) a (5) o Ddeddf yr Amgylchedd 1995 a pharagraffau 1(2) a 2(3) o Atodlen 7 iddi, i'r graddau y maent yn arferadwy o ran Cymru, i Gynulliad Cenedlaethol Cymru gan erthygl 2 o Orchymyn Cynulliad Cenedlaethol Cymru (Trosglwyddo Swyddogaethau) 1999, O.S. 1999/672, ac Atodlen 1 iddo. Yn rhinwedd adran 162 o Ddeddf Llywodraeth Cymru 2006 a pharagraff 30 o Atodlen 11 iddi, mae'r swyddogaethau a roddwyd i Gynulliad Cenedlaethol Cymru yn arferadwy bellach gan Weinidogion Cymru.

ystyr “y prif Orchymyn” (“*the principal Order*”) yw Gorchymyn Awdurdodau Parciau Cenedlaethol (Cymru)1995(1).

**Diwygio Gorchymyn Awdurdodau Parciau Cenedlaethol (Cymru) 1995**

3.—(1) Diwygir y prif Orchymyn yn unol â'r paragraffau canlynol.

(2) Yn Rhan I o Atodlen 2 i'r prif Orchymyn, yn lle—

“Pembrokeshire Coast National Park Authority	
Local authority members	10
Secretary of State members	5
Total number of members	15”

rhodder

“Pembrokeshire Coast National Park Authority	
Local authority members	12
Members appointed by the Welsh Ministers	6
Total number of members	18”

(3) Yn Rhan II o Atodlen 2 i'r prif Orchymyn, yn lle “Pembrokeshire County Council 10” rhodder “Pembrokeshire County Council 12”.

*Jane Davidson*

Y Gweinidog dros yr Amgylchedd, Cynaliadwyedd a Thai, un o Weinidogion Cymru

4 Rhagfyr 2007

---

(1) O.S. 1995/2803